



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 117. Papæ responsum ad postulata Gallorum

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

junxitque, Alphonsum armorum potentia, non juris fulcro Regnum occupasse, summumque Pontificem rem sua Majestate indignam egisse, cum exclusis Gallis Filium Alphonsi spurium, qui potius a tanto Regno longius arceri promeritus esset, eidem præfecerit, atque Renatum legitimum Siciliæ Regem per summam injustitiam spreverit; cum tamen id Callistus Papa, quamvis Arragonensis, nunquam efficere ausus fuerit.

Sæcul. XV.
A.C. 1459.

§. CXVI.

Legatorum postulata.

Iidem ergo ad calcem Orationis postulant, ut Pontifex, cum Franci tantam injuriam ab eo passi essent, inconsulte gesta post maturam deliberationem revocaret, necnon Renato regnum addiceret, & Ferdinandum inde propelleret.

§. CXVII.

Papæ responsum ad postulata Gallorum.

His auditis cuncti, qui Francis favebant, animos erigebant, nec ausurum respondere Pontificem arbitrati sunt. Verum Pontifex nihil hæsitans, paucis usus verbis: *Audivimus inquit, Oratores regii! quæ pro Renati causa dixistis, non sine accusatione nostra. Nos quæ fecimus in Regno Siciliae consulente Cardinalium Se-*

Qq 4

natu

Sæcul. XV. natu gesta sunt: nunc revocari tanquam in-
A.C. 1459. jusse acta petuntur: æquum est, ut eorum
 consilium exquiramus: quo habito, respon-
 sum & querelis & petitionibus vestris dabi-
 mus. Quibus dictis conventum dimisit,
 gravi ægritudine stomachi affectus, & a-
 rida tussi importune vexatus. Francive-
 ro, re cognita, simulatum a Papa obten-
 di morbum, eumque hac arte, cum ra-
 tionibus eorum victus esset, responsum
 effugere dictitabant. Hæc cum Pius
 comperisset: *Etsi me, inquit, media in con-
 cione mori oporteat, respondebo: nec vincet
 animum dolor, nec impetrabit ægritudo, ut
 timere videar.*

§. CXVIII.

*Papa sibi objecta de Sicilia Regno
 diluit.*

Nec promissa eventus fefellit; quanto-
 cius enim vocatis omnibus Cardi-
 nalibus, & communicato responso, quod
 Gallorum Legatis daturus esset, Papa
 omnes ceterorum Principum Legatos ac-
 cersiri jubet; ipse quoque, quamvis cor-
 pore languidus, & ingenti dolore oppres-
 sus, e cubili suo egreditur, & sublimi,
 quod in ampliore aula hanc in rem ere-
 ctum erat, solio sedens silentium indixit.
 Primo quidem vultu pallidus, & animo
 anxius vix effari poterat, demum vero
 ubi calor invaluit, ipsa dicendi vis dolorem
 sup-